

原府志卷十

水利

自阡陌開而溝澮湮於是鄭國始鑿渠於秦後之襲其法者挹彼注茲利澤溥焉太原山多地少每春夏之交旱則灌溉無資澇則懷襄可慮洩之爲之渠以導其波流爲之堤以防其泛溢爲之橋梁以通其出入往來皆民事之所不可緩者也志水利

陽曲縣

堂村渠繇烈石口接水至土堂村南入汾溉田一頃五十畝

呼延村渠舊有錢家渠北繇烈石口接水南至張村溉田三十頃有奇水至小東流村入汾

張村渠舊有錢家渠北繇呼延村南至楊家村溉田五頃
五十畝有奇

楊家村渠舊有錢家渠北繇張村南至柴村溉田八頃十
畝有奇

柴村渠舊有錢家渠北繇楊家村南至芮城村溉田八
有奇

三給村渠舊有錢家渠北繇芮城村南至營村溉田三頃
五十畝

營村渠舊有錢家渠北繇三給村南至鑠落村溉田一頃
二十畝

鑠落村渠舊有錢家渠北繇營村南至東流村溉田一頃
五十畝

東流村渠舊有錢家渠北繇鑿落村西至彭村南至汾河
岸入汾溉田三十五畝

彭村渠舊有錢家渠東繇東流村接水溉田二頃二十五
畝

北屯邨渠舊有錢家渠自東流村接水溉田一頃八十三
畝

以上舊渠在河西

西流等村渠有新開義渠繇烈石口接水至彭村入河溉
田四頃三十五畝

以上新渠

橫渠下薛等村渠有渠一道繇烈石口接水至下薛村溉
田一十三頃有奇

西村渠有渠一道繇蘭村烈石口接水至翟村溉田十頃
有奇

翟村渠有渠一道繇西村接水至上碾村溉田三頃六十
四畝

上碾村渠有渠一道繇翟村接水至上碾村小河入汾溉
田七頃一十八畝

下蘭村渠有渠一道繇下蘭村崖頭接水溉田二頃有奇
趙莊村渠有古渠一道上繇北固碾村接水下至小河入
汾溉田七頃有奇

以上在河東

寇莊三結廟親賢等村渠城南有龍首渠一道北至南關
西接水溉三結廟村田一頃六十畝溉北寇莊田一頃

概南寇莊田一頃三十畝溉親賢村田一頃五十畝

以上龍首渠

陽曲新舊渠共十九道胥引汾水溉田渠長司之

舊志蘭村渠 西村渠 上碾渠 翟村渠俱在河東

居民引汾水溉田

趙莊渠 土堂渠 劉村渠 呼延渠 張村渠 楊

家村渠 柴村渠 芮城渠 鏢落村渠 彭村渠俱

在河西亦引汾水溉田

龍首渠引汾水自鎮河樓流經寇莊親賢等村至太原

縣烏城等村溉田萬歷十四年開鑿後時開時塞

忠利渠 永濟渠二渠歲久不通

明成化中刑部郎中李鑑從侍郎何喬新賑荒山西開

麗澤渠以灌田

龍泉在城西北一百五十里靜樂界流經盧子社至橫渠合掃谷水宋天聖二年夏水大漲知太原府陳堯佐作新堤捍之并人賴焉

古鐵窗節司西古城西垣洩水地也

圓海子水勢寢盛

國朝初知府王覺民募挑文昌廟後積土引水入長海子又循南城牆古水口疏導入汾今城下有鐵稜蹟存

太原縣

汾河渠

鳳中渠縣北二十里陽曲縣看河樓西開渠引汾水南流至南屯村二十里分小溝三又至南偃村五里分小溝

五共漑二村田

豐泉渠縣北陽曲縣看河樓西開渠引汾水經陽曲北屯村又經縣境大小王村上莊村南屯村至武家莊十里分小溝四又至董茹村三里分小溝一又至牛家營二里分小溝二又至北富村一里分小溝二又至城北村五里分小溝二附近小營村分小溝一又至南富村二里分小溝一共漑七村田

西寨渠縣東北十里陽曲縣演武廳開渠引汾水經縣境南屯村至吳家堡五里漑田至北富村五里分小溝一
至南富村一里漑田至西寨村一里又分小溝二共漑四村田

首宿西渠縣東北十里陽曲縣看河樓西開渠引汾水南

流至姑姑寨村三十里分小溝三里至西寨村五里分
小溝三木廠頭村二里分小溝二賈家莊村一里分小
溝二東城角村五里分小溝四共溉五村田

首循東渠縣東北十里陽曲縣看河樓西開渠引汾水東
南流至姑姑寨村三十里分小溝四又至舊寨村一里
分小溝一龐家寨村三里分小溝三東城角村一里分
小溝二共溉四村田

縣東渠縣東五里陽曲縣看河樓視水勢開渠經陽曲境
至縣境南屯吳家堡等村引汾水至渠起南富村至賈
家莊一里二村分小溝九又至東關村三里分小溝十
至東關廟三里分小溝七又至鹽堡村二里分小溝十
六至鷺下村三里鷺歸店一里二村分小溝十一又至

五府營三里分小溝五共溉八村田

晉陽西渠縣東十里陽曲縣看河樓開渠引汾水南流至
瓦窰村四十里分小溝四又至東城角村三里分小溝
二梁家寨二里分小溝三南瓦窰村一里分小溝四鷺
歸店一里分小溝四共溉五村田

武家寨乾隆二十
三年新准入例

晉陽東渠縣東十里嘉節村南開渠引汾水南流至北瓦
窰村十五里分小溝五梁家寨一里分小溝二南瓦窰
村二里分小溝三共溉三村田

武家寨大村雍正
十年新准入例

以上八渠在汾河西開渠

興隆渠縣東北三十里陽曲縣看河樓西開渠引汾水東
南流至張村二十五里分小溝二范家堡一里分小溝
一紅寺村二里分小溝一又至西莊村五里分小溝二

大吳村一里分小溝二小吳村一里分小溝一共溉六
村田

舊縣西渠縣東北二十五里陽曲縣看河樓西開渠引汾
水東南流至大馬村二十五里分大溝二般家堡一里
分小溝二小馬村二里分小溝一范家堡一里分小溝
二紅寺村一里分小溝二又至城西村三里分小溝三
下莊村五里分小溝二化章堡五里分小溝二圪塔營
二里分小溝三薛店村三里分小溝二又至小營屯分
小溝二西攢村一里分小溝二共溉十二村田

舊縣東渠縣東北二十五里陽曲縣看河樓西開渠引汾
水東南流至大吳村三十里又至小吳村一里分小溝
三又至北畔村一里分小溝四南畔村五里分小溝五

又分小溝三溉南黑窰又至下莊村二里分小溝三下莊尾五里分小溝二楊莊一里分小溝三化章堡一里分小溝五共溉八村田

嘉節渠縣東北二十五里陽曲縣看河樓西開渠引汾水東南流至大馬村十里分小溝二殷家堡一里分小溝二小馬村三里分小溝三又至嘉節村五里分小溝五共溉四村田

任碧渠縣東北十五里嘉節村西北門渠引汾水東南流至鞏家堡一十五里又至東橋村三里分小溝二圪塔營二里分小溝三東攢村四里分小溝二薛店村二里分小溝三西攢村三里分小溝三小營屯一里分小溝三又至西賈村四里分小溝四共溉八村田

大村渠縣東十里嘉節村南槐龍寺開渠引汾水經小店鎮三里又至大村七里分小溝五又至賈家寨五里分小溝一又至宋瓌村十里分小溝一共溉三村田

永利渠縣東一十五里吳家堡東開渠引汾水東南流至小店鎮十五里分小溝八鞏家堡五里分小溝七共溉二村田

永盛渠縣東一十五里舊寨村東開渠引汾水南流至西橋村十里分小溝四溫家堡二里分小溝二東橋村二里分小溝二共溉三村田

宋瓌村雍正十年新准入例

蒲村渠縣東一十五里李家莊西開渠引汾水南流至大村二里又至孫家寨五里又至蒲村北三里分小溝二十四又至西蒲村二里分小溝二又至南蒲村一里分

小溝一又至草寨村二里分小溝一侯家寨三里分小溝四共溉五村田

梁家莊渠縣東一十八里李家莊西開渠引汾水南流至大村二里孫家寨五里又至梁家莊十一里分小溝五
溉梁家莊田

北格渠縣東南十里大村西北開渠引汾水南流至小北格二十里分小溝二又至大北格西北格村二里分小溝九又至南格村二里分小溝一共溉四村田

孫家寨渠縣東南十里大村北開渠引汾水南流至孫家寨七里分小溝四溉孫家寨田

柳林堡渠縣東南十里武家寨西開渠引汾水南流經西草寨村八里至東柳莊北分小溝二劉家堡一里分小

溝三共溉二村田

通義渠縣東南十五里賈家寨西北開渠引汾水南流至
三賢村十五里分小溝三草寨村五里分小溝二南蒲
村二里分小溝二共溉三村田

流澗渠縣東南一十五里大村北開渠引汾水東南流至
流澗村十里有竒分東西二小渠西溉田至上均東溉
田四十畝陳王渠南二十里草寨東北開渠引汾水至
同過村七里分小溝三又至石溝村分小溝二共溉二
村田

既濟渠縣南三十里柳林莊西開渠引汾水經河灘村里
解村洛陽村至南馬村十五里分小溝二又至清源鄉
長頭村四里分小溝二共溉二村田

以上十七渠在汾河東開渠口

晉水渠

漢地理志晉陽晉水所出東入汾

晉祠南河用水

晉祠鎮北繇泉源起南至邀河子止距泉四里

繇晉祠渠長

王郭村下渠北繇邀河子起南至牛家橋止距泉七里

南張村下渠北繇牛家橋起南至二十七畝地止距泉十

里

以上晉隸王張二村渠長

索村上渠北繇白衣庵前郭家磨分支起南至天龍荒止

距泉五里

棗園頭上渠北繇村境三地起距泉八里南至村境老官

人地止距泉一十四里

以上晉隸索棗二村渠長

以上共溉五村

晉祠北河用水

紙房村北南繇晉祠鎮北門外雨花寺口起北至赤橋村

明仙橋止距泉一里縮

赤橋村南繇明仙橋起北至薄堰口止距泉一里以上晉

渠長

小站營西繇赤橋村磨河口分支起東至五府營界止距

泉五里鐵小站營渠甲

五府營西繇小站營界起東至馬圈屯界止距泉八里鐵

府營渠甲

馬圈屯南繇五府營界起北至南關廟界止距泉十里鐵

站營渠甲

花塔西鎮南城角三村南繇薄堰口起北至南關廟寨門

口止距泉遠近有差

南關廂南繇寨門口起北至楊家北頭桑樹口止距泉八

里楊家北頭西關廂二村南繇桑樹口起北至古城營

官河口止距泉八里

以上繇花塔村渠長

古城營南繇官河口起北至羅城村羅城閣沙堰止距泉

一十三里

繇古城營渠甲

羅城村南繇古城營界起北至韓家凹口止距泉一十八

里

繇花塔村渠長

金勝村南繇韓家凹口起北至董茹村界止距泉二十五

里

繇金勝村渠甲

董茹村南繇金勝村界起北至村境奶奶廟止距泉三十

里

繇董茹村渠甲

乾隆七年縣令徐奉院批勒石每年春水自驚蟄起秋水自八月初二日起六日一輪挨至第三輪之第三第兩晝夜給與金勝董茹二村春水三程秋水兩程永遠遵照

以上共溉十二村

晉水中河用水

長巷村西繇晉祠鎮東門外起東至麻地橋止距泉二里
西堡村西繇春樹河起東至三根石橋止距泉一里有半
南大寺村西繇葦葉河口起東至洞兒河止距泉二里有半

三家村西繇長畝口起東至韓家荒止距泉三里有半

萬花堡西繇後河口起東至退水河止距泉四里

以上晉
隸中河

渠長

東莊村西繇泉子河起東至馬練河止距泉四里

隸東莊村渠甲

東莊營西繇案槽河口起東至退水河止距泉五里

隸東莊營

渠甲

以上共溉七村

晉祠陸堡河用水

紙房村東南西繇晉祠鎮中堡東門外起東至塔院村界

止距泉一里

塔院村西繇紙房村東南界起東至北大寺地界止距泉

一里有半

北大寺村西繇塔院村地界起東莊村界止距泉二里有

半

東莊村西繇北大寺地界起東至村境十字河止距泉三

里

以上胥隸陸堡河渠長

以上共溉四村

晉水四河共溉二十八村田諸堡渠長水甲司之

雍正七年析本鎮外村有程無程近遠界設總散渠

甲

舊志汾河舊渠一十一道

南關都渠一道看河樓取水溉河下等八村

鳳中都渠一道看河樓取水溉南屯等村

武家莊渠一道看河樓取水溉牛家營等村

豐泉都渠一道看河樓取水溉董茹等村

西寨村西渠一道看河樓取水溉本村

晉陽西渠一道汾灘取水溉鷺歸店等村

苜蓿都渠一道看河樓取水溉木場頭等村

西寨村東渠一道看河樓取水溉本村

苜蓿村東渠一道看河樓取水溉龐家寨等村

晉陽東渠一道大馬村取水溉瓦窰等村

廣濟渠一道舊寨取水溉野場等村

新開渠一十九道

明天啟三年知縣屈鍾嶽新開

勲南都渠二道小南岡取水溉吳張二村

馬村都渠一道看河樓取水溉大小馬村

嘉節都渠二道看河樓取水溉本村

舊縣都渠一道看河樓取水溉西攢等村

小店渠一道烏城北取水溉本村

鞏家堡渠一道大馬村取水溉本村

東橋村渠一道嘉節取水溉流澗等村

賈家寨渠一道嘉節取水溉本村

大村渠一道槐龍寺取水溉本村

孫家寨渠一道嘉節取水溉本村

梁家莊渠一道大村取水溉本村

三賢都渠一道大村取水溉南北格等村

蒲村渠一道大村取水溉侯家寨等村

草寨渠一道大村南取水溉三賢等村

洞渦村渠一道武家寨取水溉戴家堡等村

里解村渠一道草寨村取水溉東西里解等村

洛陽都渠一道河灘取水溉吳家堡等村

晉水四渠

北渠水七分溉赤橋花塔小站縣城外古城金勝等一十
二村屯

南渠水一分半分上下溉索村王郭村張村棗園等五村
中渠水一分溉長巷東莊等七村屯
陸堡渠水半分溉大寺上下等四村

小河三渠

郃村渠一道褚村取水溉西賈等村

辛村渠一道褚村取水溉本村

張花渠一道褚村取水溉本村花塔晉水小閘嘗決毀勒

石視例分水

洞渦河四渠自永康鎮等村引水溉劉家堡等十五村

通志洞渦四渠皆在太原縣自永康鎮等村引河水分灌
劉家堡等十五村此與縣志不合縣志止有三渠
張西郃渠奉

巡撫部院農定名三村渠縣東南二十餘里縣之西賈
村榆次之小張義村舊有棘針渠一道接引涂水灌地歲
久淤塞蒙

按察使司費前在冀寧道任內親勘郃村渠址尙存灌
張四兩村甚便可與郃村夥開一渠乾隆四十七年四月
委太原府水利同知張鍾秀保德州知州黃印率同太原
知縣楊若虔榆次知縣路作會勘具詳蒙

撫部院農批准開渠是年七月委太原府知府虔禮寶
帶領試用知縣何延禮張玉紱因郃村渠舊址并買永康

鎮地開引新渠渠口在榆次縣西長壽村接引大涂河水由馬村王郝村褚村陳胡村弓村永康鎮灌縣境西賈村地五十餘頃郃村地六十餘頃工竣九月十八日奏明立案入志

漢元初三年春正月甲戌修理太原舊溝渠灌溉宮私田章懷註酈道元水經註曰昔智伯邊晉水灌晉陽後人踵其遺跡蓄以爲沼分爲二派北瀆卽智伯故渠也其瀆乘高東北注入晉陽城以灌溉東南出城注於汾水今所修溝渠卽謂此

宋知縣事陳知白分引晉水教民灌溉

宋太谷知縣公乘良弼重廣水利記難老泉源晉祠下支行股引東走平陸十分之以溉民土倍加於昔者前

大夫陳君所爲也嘉祐五年君來飭府禁浮說浚其源爲十分穴廟垣以出其七分循石絃而南行一分半面奉聖院折而微東以入於郭村又一分湊石橋下以入於晉祠村又支者爲半分東南以入於陸堡河其正東以入於賢輔等鄉者特七分之四其三分循石絃而北通聖母池轉驛廳左以入於太原故城繇故城至郭村凡水之所行二鄉五村民悉附水爲溝激而引之漫然於塍隴間各有先後無不周者已而皆會於汾河其溉田以稻數計之得二百二十一夫餘七十畝合前爲三百三十四夫五十九畝三分有奇碾磴之具鱗次而動以屋計之得一十二區於是晉水之利無復有遺君名知白故相國文惠公之孫嘉祐八年二月初五日記

明冀寧道蘇水利禁例晉祠水源分爲四渠今以十分計之南渠一分有半澆地南至棗園頭而止中渠一分澆地東南至東莊營而止陸堡河渠半分澆地東至大寺村而止北七分澆地北過縣城之北至董茹村而止王府與民間分日用水二月均出去役疏濬渠道三月初一日同時起程放澆只以北渠言之每年三月初一日先澆晉府地一日畢初二日澆寧化府地二日至初三日畢初四日方澆本縣民地三日至六日畢初七日又澆晉府地輪流如前週而復始俗名軍三民三各輪三日晝夜相兼至宏治間北渠渠長將民間夜水獻與晉府至今民地止得日間用水以致水少不能遍及董茹等村又縣北與縣南水甲八程止存二程遂起賣水

買水之弊賣水者惟彼得買之從此遂有無水之田買水者惟彼得用之從此遂有無地之水今分爲二十二節明立疆界每地十畝出夫三名每夫三十名總以水甲一名是爲一程凡一名該澆地畝只在一節之中不得越過數畝數里俟縣南水甲十程澆遍然後放水一程與縣北水甲週而復始永爲定規惟有地者則有水無地則不得用有水者卽出夫無夫則不許用喬宇晉祠記泉溢泛爲溪北折而東瀾漫盈決渠穿澮引條經井絡用溉田疇方四十里晉陽之民稻粱而食者皆賴其利號爲膏腴

宋太平興國四年征太原軍中乏水城西十里谷中有娘子廟觀察使曹翰往禱之穿井得水人馬以給

宋神宗八年七月太原府草澤史守一修晉祠水利溉田六百餘頃

唐志太原井苦不可食貞觀中長史李勣架汾引晉水入東城以甘民食謂之晉渠

榆次縣

大涂水繇東南一百二十里和順入縛嶺來西北入洞渦水

小涂水出東南八十里鷹山西入大涂水

洞渦水繇壽陽來

萬春渠

官甲口總渠分支溉地水繇和順壽陽來名涂河乃長流水也

近城村溉地四十三頃九畝有奇

郭家堡溉地一百二頃有奇

大原府志 卷十
寇村漑地六頃有奇

上營村漑地四十五頃十一畝有奇

營村漑地二十五頃五十二畝有奇

高村漑地二十六頃有奇

韓村漑地六頃六十畝有奇

小趙村漑地三頃五十畝有奇

六堡村漑地十頃八十畝有奇

西柴村漑地四十四頃有奇

王村渠漑地四十六頃七十三畝有奇

張超村漑地十二頃三十九畝有奇

小東關渠漑地二頃十三畝有奇

楊村渠漑地二十九頃有奇

演武渠溉地三十六頃二十九畝有奇

懷仁渠溉地四十三頃八十六畝有奇

王郝渠溉地十九頃有奇

永康渠溉地一百三頃有奇

張慶渠溉地一百十二頃五十四畝有奇

大張義村溉地五十三頃十三畝有奇

小張義村溉地三十二頃五十八畝有奇

西長壽村渠溉地五頃五十一畝有奇

弓村渠溉地二十九畝有奇

述巴北胡喬西胡喬村渠溉地十二頃四畝有奇

述巴渠溉地三十頃三十九畝有奇

西河堡溉地七十頃四十七畝有奇

大原府志 卷十
寧家營溉地十一頃五畝有奇

東賈村渠溉地十二頃七十七畝有奇

永春渠

水繇和順縣山來
乃泉水長流也

東西長寧村溉地十三頃七十二畝有奇

東西長寧東疇溉地四頃八十畝有奇

洪水渠

水繇和順縣山來乃山水
漲發使水非長流水也

沙溝北趙南合流村共溉地九頃三十畝有奇

澗河水繇壽陽來

澗河渠

水繇壽陽縣李家山來乃山
水漲發使水非長流水也

鳴李村溉地六頃有奇

楊盤村溉地八頃有奇

六堡村北渠溉地六頃有奇

六堡村南渠溉地六頃有奇

聶店村溉地四頃五十畝有奇

金水河繇太谷來經縣境東陽鎮

金水河渠

水繇太谷縣石畝村來乃山水漲發使水非長流水也

東陽鎮溉地二十頃五十一畝有奇

王都村溉地一十九頃九十四畝有奇

要村溉地一十七頃六十畝有奇

龐至村溉地六頃七十五畝有奇

車輞村南北二渠溉地三十八頃八十五畝有奇

牛坑水出東南三十里引渠至修文村溉田

牛耕溝渠

源出縣境上黃彩村乃山水漲發使水非長流水也

小趙村溉地一頃九十一畝有奇

王香村漑地二頃五十九畝有奇

北要村郭村共漑地五頃有奇

雙村漑地一頃二十畝有奇

南要村漑地一頃八十畝有奇

修文村漑地九十九畝有奇

順道渠

源出縣境象峪村乃山水漲發使水非長流水也

南莊村漑地二頃五十六畝有奇

以上諸渠分定成規渠長經理無爭截紊越 新册

與舊志異者蓋并二水爲一又水道時有變遷故也

舊志萬春渠西南三里元至正二十二年民劉時敏等

開繇白家厓引洞渦水西流漑田上一渠下析爲三小

渠李村邱家堡郝家堡榮村高村韓村小趙西榮六堡

均賴之凡溉田一百二十頃有奇成化間渠長致訟通塞不常宏治十一年李村劉文質郭志端等始開官甲口渠各村輪灌後郭家堡專村李村復開白家厓舊渠止溉田三十頃有奇官甲口渠溉田營六村地二百六十頃有奇二渠胥名萬春知縣孫昌勒石可考四營水有定程萬歷三十二年知縣史記事查晉府地冊四營每季定十八日居恒按季一週曠時四旬可復郭家堡不得以官地爲辭而六村胥溉矣

以上引洞渦水

中郝渠縣東南七里萬歷十四年開溉田二頃

小東關渠縣南一里萬歷二十七年開引大涂水溉田十五頃

王村渠縣南八里元至正二年開漑王村及張超地三十頃有奇

楊村渠縣南十里萬歷元年開漑楊村及南郭村寧家營地五十頃有奇

演武渠縣西南十五里元中統元年開漑田二十餘頃
懷仁渠縣西南十五里元中統元年開漑懷仁村及西長壽地十頃

張慶渠縣西南二十里元至正二年開漑張慶村及張義村地五十餘頃

永康渠縣西南三十里元中統四年開漑田二十餘頃

王郝渠縣西南三十里金皇統元年開漑田二十頃

陳胡渠縣西南三十里元中統四年開漑陳胡村巴村地

七十頃

永春渠縣東三十里長寧村元至正二年民范灑等開引
大涂水溉田一十六頃歲久上流擅利嘉靖二十年民
趙文東等乞嚴禁輪灌如初

張西部渠奉

巡撫部院農定名三村渠縣西南三十里縣之小張義
村太原之西賈村舊有棘針渠一道接引涂水灌地歲久
淤塞蒙

按察使司費前在冀寧道任內親勘部村渠址尙存灌
張西兩村甚便可與部村夥開一渠乾隆四十七年四月
委太原府水利同知張鍾秀保德州知州黃印率同榆次
知縣路作太原知縣楊若虔會勘具詳蒙

撫部院農 批准開渠是年七月委太原府知府虔禮寶
帶領試用知縣何延禮張玉紱因郃村渠舊址并買永康
鎮地開引新渠渠口在縣西南長壽村接引大涂河水由
馬村王郝村褚村陳胡村弓村永康鎮灌縣境小張義村
地三十餘頃工竣九月十八日

奏明立案入志

以上胥引大涂水

胡喬渠縣南三十里萬歷二十年開引小涂水溉胡喬村
及陳胡地十餘頃

西河堡渠縣西南三十餘里嘉靖四十年開在弓村西引
小涂水經永康鎮溉西河堡地三十餘頃

弓村渠縣西南二十里康熙年開歲久淤塞乾隆四十七

年縣令路作奉本府虔 勸明修挖由西長壽村接水
經馬村王郝村褚村灌弓村地二十九頃

以上胥引小涂水

西榮渠縣西二十里萬歷二十五年開漑西榮村及溫莊
王名地十五頃

使趙渠縣西北八里元至正二年民閻子雲開引澗河水
自聶村西流嘉靖間二村爭水遂壅萬歷二十六年知
縣張鶴騰督鄉民復開與聶村分爲二渠下聶村水口
數十步至二十八年成漑田四十頃

聶村渠上使趙渠口數丈漑田三十餘頃兩村均賴之

楊盤渠縣西北二十里洪武二年開漑田二頃

鳴李渠縣西北二十里洪武三年開漑田六頃

洪水上渠縣北十里萬歷二十八年開引澗河水溉聶村
田村趙村地三十頃

洪水下渠縣西北十二里萬歷二十八年開引澗河水溉
使趙侯方地四十頃

聶店渠縣北十五里宣德七年開溉地二頃

四村古渠縣北二十里歲久淤塞乾隆四十七年九月縣
令路作勘詳 各憲重開接引蘇村澗水東聶村溝水
以及步雲渠等水渠口在聶店村渠水灌東聶村地十
五頃王胡鎮地二十餘頃安寧村地三十五頃北關外
地二十四頃窰上村地十三頃

以上胥引澗河水

要村渠縣西南二十五里嘉靖四十年開引金水河溉要

村及王都褚村陳胡地十餘頃

德音渠縣西南三十里萬歷二十六年開引金水河漑德音村及龐志地十五頃

沙渠縣西北二十里嘉靖二十五年開引金水河漑田三頃

以上胥引金河水

南要渠縣南八里萬歷十年開引牛坑水漑北要及郭村地五頃

長壽渠縣西南十二里東長壽村南有牛坑水民初不知引漑萬歷十四年知縣李光祖諭民李定等開漑田十餘頃遂爲沃壤

以上胥引牛坑水

上戈渠縣東十八里引小河水溉上戈東趙地七頃四十
六畝萬歷三十二年開

雙村渠縣南十八里分渠二道溉王香小趙南要修文等
村地

南要新渠縣南十里通東郝渠引小河水溉郭村地十五
頃遠近凡十里萬歷三十二年開

永康渠縣西南三十里引小河水溉弓村地二十六頃萬
歷三十二年開

王都渠縣西南三十里引小河水溉陳胡遂村等六村地
一百餘頃遠近凡二十里萬歷三十二年開 此水越
金水渠而後至應灌地分如雨水並發則合流均溉一
水獨發則塞一渠口俾無得相闕

西河堡新渠縣西南三十餘里萬歷三十五年於陳胡村
後開引小河水溉地三十餘頃

以上胥引小河水

沙河渠縣北三十里引山水溉中社都地五十餘畝萬歷
三十二年開

甄井渠縣西北三十里一大渠下分十小渠引山水溉田
二十一頃有奇萬歷三十三年開

小峪口渠縣北三十五里引山水溉寺峪地一頃三十畝
有奇萬歷三十二年開

以上胥引山水

秋村渠縣西北十里引寺峪河溉地五頃有奇萬歷三十
二年開

引寺峪河

沙溝村渠縣北三十五里引沙河漑地八頃萬歷三十二年開

引沙河

使張渠縣西北十里引澗水漑地五頃遠近凡十里萬歷三十二年開

引澗水

橙槽渠在王村天啟間開

水程

萬春官甲口渠

自三月二十一日起使水一十七程

王村渠

使水一程楊

村渠

使水一程半

張慶渠

使水四程

永康渠

使水一程半

演武渠

使水一程

半懷仁渠

使水一程半

王郝渠

使水一程半

小東關渠

使水一程半

橙

槽渠

使水一程半

水程分數易起爭端知縣劉星勒石無論大小月建視分晝日時繇上迄下輸漑共三十四程

齊人竒東陽鎮河渠碑榆西南東陽鎮距縣三十里而遙戶以千計津水河自射母來東注離鎮僅數百武從高突下迅若建瓴壁趾崩陷約三十丈歲丙辰劉侯似鰲經丁里上下改淪而南穿濬成渠漑田數十頃唐貞觀二年縣令孫湛引洞渦水以漑田

太谷縣

烏馬河亦名回馬河縣東南二十五里源出榆社黃花嶺下西北合咸陽谷水西經清源祁界注於汾共河渠十九道 水秀渠四道 楊宋渠 朱家堡渠 賈家堡

渠二道 新渠 郭家堡渠 懷遠渠二道 落母渠

二道 少林渠 教坊渠 秃尾渠二道 七里渠

以上十九渠源胥出回馬峪繇烏馬河引水

咸陽峪水縣南十五里西合同馬峪水河渠十一道 沙

河渠二道 賀家堡渠 洸村渠 胡家莊渠二道

杜家莊渠 曹家莊渠 程家莊渠 貫家堡渠 龐

村渠

以上十一渠源胥出咸陽峪繇咸陽河引水

嶠峪河縣東北二十五里源出榆社流入清源河渠十四

道 小常渠五道 東蘆渠 楊董渠 西蘆渠 智

濟渠 郭村渠 胡村渠四道

以上十四渠源胥出八賦嶺繇嶠峪河引水

菴峪縣東南十五里菴峪河縣東南十里河渠二道 石
象渠 王惠莊渠

以上二渠源胥出菴峪口繇菴峪河接水

馬鳴王峪在城南河渠四道 桃園堡渠二道 侯成渠

二道

以上四渠源出馬鳴峪繇馬鳴河引水

豬峪在城西南河渠二道 豬峪渠 白城渠

以上二渠源胥出豬峪口繇豬峪河引水

四卦河渠源出東峪口繇四卦河引水

西卜渠源出季麻溝繇圪塔河引水 圪塔古溝源出和

順縣麻地溝經榆次入縣境明萬歷間大郭村開渠溉

大郭村及西薄魏岳許村地

以上共渠五十四道溉五十村田有奇胥設渠長接時輸溉

舊志酬泉渠二道源出縣南十里鳳山下歲久壅涸知縣喬允升諭民開濬溉侯成等地十頃有奇又溉東南三坊白斗地一頃

以上活水

烏馬河渠十九道

登豐一里 朝陽都 敦坊都二道 上善一里三道

上善一二三里 上善二里二道 登豐二里三道

白村都二道 正東二坊 胡村二里 東南三坊

韓武都

陵峪河渠十道

東南二坊 東南三坊四道 東南五坊 正西一坊
三道 沙河都

礪峪河渠十一道

胡村三里 三道 小常一里二道 敦坊都二道 信
義二里 郭村一里 郭村二里 東蘆都

奄峪河渠四道

奄峪河口 石象一里 侯城一里 惠安都

奄峪續開渠三道

正東一里 桃園都 侯城一里

馬鳴王峪河渠五道

東南一坊 東南二坊二道 東南三坊 侯城三里

豬峪河渠五道

正西一坊二道 洸村一里 洸村二里 榆林一里

四卦峪河渠一道

陽邑二里

以上乾渠

元曹大濤開河碑太谷縣東南有惠安之蒲池一所在西莊北沾泥口向西大塔石近南以十分爲率惠安與王誨莊二八使水惠安例使八分王誨莊例二分其餘社分並無水利值大雨河漲不定自上而下漑田例數年來水勢不常渠道壅塞橫流西去漂沒侯城地數十餘頃衝突太谷城池三十餘年縣尹劉約禮親詣奄谷口料量高下規措夫七百餘名委理問李克宏經始於三月三日開惠安獲利之渠閉塞太谷侯城爲害之處

不逾旬工畢

祁縣

子洪渠溉子洪鎮部北村地

洛陽渠溉洛陽村地

梁村渠溉梁村元台溝澗壑村地

龍濟渠溉大韓村溫曲村祁城村下申村谷村三合村小

申村城南村九角村地

均利渠溉河灣村南社村梁家堡祁城村西交支東門外

會善村三合村地

官渠溉西六支王村會善村豐澤城南等村及西關廂地

斜渠溉西六支秦村王村高村地

沙渠溉高村劉家堡地

大東渠溉東六支高家堡大賈村小賈村瓦屋村地
溫三渠溉大賈村小賈村高家堡地

范公渠溉范公村園圖村左東村地

北左渠溉北左村吳家堡左東村塔寺村園圖村地
南左渠溉塔寺村東陽羽南左村地

沙堡渠溉沙堡村地

賈令渠溉賈令鎮及豐澤豐戶等村田

西陽羽渠溉西陽羽地

西營渠溉東西營地

豐固渠溉豐固村地

長頭渠溉長頭村小賈村地

公利渠始疏濬

以上共渠二十道引漑六十二村地定有成規

舊志胡甲水自縣南至北又至西源出武鄉經縣境昌源河亦名昌源水漑六支等都至賈令鎮南諸村田

通光水縣東南四十里胡城谷中北流漑田又名胡城水子洪渠縣東南三十里上渠自石佛崖南流經子洪鎮分漑鎮東西田中渠分自上渠流子洪鎮外漑正北田下渠自石佛崖北流漑子洪鎮及洛陽東南二十五里郛北田

魯村渠自子洪引漑魯村田

龍濟渠自澗壑村北引漑東南十五里大韓東南十里小韓東南八里溫曲祁城東南二里三及張名下申郭村城南西關西南七里九及村田

大原府志 卷十
官渠自縣東北二十里河灣村引漑東十里西六支東北
七里王村東北三里會善豐澤三及城南等村及西關
廂田

斜渠自河灣引漑西六支東北七里秦王高三村田

沙渠自西六支引漑東十里劉家堡高村田

小沙渠自劉家堡北引漑高秦會善豐澤四村田

大東渠自東十五里東六支小東渠引漑東六支村東北
二十里大賈高家堡瓦屋等五村田

胡帳渠自東十五里東六支引漑小賈姜家堡長頭三村
田

范公渠自東十五里東六支引漑東北三十里姜家堡范
公都戴家堡等三村田

北左渠自東十五里東六支引漑東北三十里左東左西
左北等三村田

賈令渠縣北十五里自沙堡村引漑賈令鎮及豐澤西北
十里豐戶等村田

南左渠自東六支引漑北十五里東陽羽南左田

洛陽渠自石佛崖引漑洛陽村田

新盛渠引自子洪歷洛陽漑東南二十五里梁村澗壑元
臺溝三村田

公利渠自東南二十里東澗村東南引漑東南二十五里
王喬武鄉河灣東六支永安東十五里東管西管村田
均利渠自河灣村南引漑河灣南社東十里梁家堡祁城
三及東門外城內會善村田

溫三渠自東六支引溉大賈村田

西營渠溉東北四十里沙堡村田

修善渠溉東十里劉家堡田

豐戶渠自沙堡引溉西十里豐戶田

以上胥昌源河支流

南梁渠上渠自東南馮家峪村引水下渠自南梁溝引水

溉二村田

以上胥通光支流

昭餘池在縣東南七里祁城村世遠涸鹵元至元十一年里民鑿得細水爲昭餘池歲溉民田及浸隍下樹木
明闢繩芳鎮河樓記東南麓臺上下幘諸山正德前樹
木叢茂民募薪採山之諸泉滙而爲盤陀水流而爲昌

源河長波澎湃餘六支壘一澤等村經上段都而入于汾
雖六七月大雨時行爲土石所蘊放流故道終歲未見
其徙且竭焉以故錄來定鎮迄縣北諸村咸瘡支渠溉
田數千頃祁以此豐富嘉靖初元民競爲居室南山之
木採無虛歲而土人且利山之濯濯墾以爲田尋株尺
藁必剗削無遺天若暴雨水無所礙朝落於南山而夕
卽達於平壤延漲衝決流無定所屢徙於賈令南北而
祁之豐富減於前之什七矣

徐溝縣

嶠峪河渠一十一道又接引榆次洞渦水分渠五道又接
引太原汾水分渠二道

嶠峪河渠十一道

太常鎮西渠在嶠峪河引水溉地四頃有奇

太常鎮北渠在嶠峪河引水溉地十五頃有奇

西賈村思普渠在嶠峪河引水溉地四頃有奇

史家社村永寧渠在嶠峪河引水溉地十八頃有奇

李青村太清渠太平渠胥在嶠峪河引水共溉地十三頃

有奇

楚王村德澤渠在嶠峪河引水溉地一十四頃有奇

清德村廣順渠在嶠峪河引水溉地三頃有奇

縣南近城地淵澄渠長澤渠胥在嶠峪河引水溉地二

一頃有奇

縣東近城地萬安渠在史家社村接水溉地三頃有奇

渠取嶠峪金水二河水附嶠峪崇道後

洞渦河渠五道

良隆村靳村遼西村莊子管莊子村五村嘉平渠沙河渠
胥在洞渦河引水溉地五十頃有奇

武家莊郟村北小村仁義渠在洞渦河引水溉地十頃九
十畝有奇

縣北近城地秃尾渠在洞渦河引水溉地六頃有奇
縣南近城地廣潤渠在洞渦河引水溉地三十頃有奇

汾河渠一道

吳家堡郝村龍家營三村復興渠在太原縣草寨村引汾
河溉地二十頃有奇

以上共溉二十一村地定有成規渠長經理

大寨村常家莊北尹村南尹村南宜武村南內道村北內

道村懷遠村寧家營社村凡十一村舊無渠道而地形
窪下倘嶠峪洞渦二河漲發水勢所及可漑地數十頃
至縣東東賈村集義村姚家堡小王村縣北張花營劉
村同戈村趙家堡白樹村隆泉堡王荅村新莊村縣西
黑石屯南小村縣南桃花營李旺村高花村凡十七村
地形高亢不能引水惟恃雨澤

古志嶠峪渠分三道 一自李青村繇王村歷集義諸村
引至莊子村 一自李青村西過史家社引至城東
一自果村東南流至城西分漑民田

舊志嶠峪渠二 一繇李青村接水漑縣城南地 一
繇李青村史家社接水漑縣城東七里地又繇果村引
至城西胥灌田

淵澤渠引嶠峪河繇縣南官道經流溉縣城南地

萬安渠繇嶠峪金水兩河取水半係榆次太谷渠口脫堰餘水也繇縣境太常鎮東西賈村東楚王村入史家社溉田又繇史家社西左右子渠與城東街古渠交流至國老渠堰南北分流溉田

長澤渠在縣東南張楚王村之西引嶠峪河水溉城南民田康熙二十三年河道不行至六十年渠成

以上胥引嶠峪河惟萬安兼取金水

嘉平渠引洞渦水溉王房良隆靳村莊子營縣城北地康熙五年莊子村入鑿分水灌地

沙河渠引洞渦水自張花村經流縣境開渠溉田

禿尾渠引洞渦水溉北門外地

常安渠繇榆次縣郝村引洞渦水過桃園堡小堡村溉縣境諸村田

廣潤渠引洞渦水繇縣北官道經流溉縣西南地

仁義渠引洞渦水溉武家莊大寨村等地

劉村渠卽秃尾渠以在洞渦河劉村取水故名溉北關官渠上下子渠等地

永興渠在同戈村引洞渦河繇太原縣桃園堡北取水經劉村莊下至南白樹村止

以上胥引洞渦水

孔天孕修復三渠記徐溝縣知縣董潤狀申憲使小竹楊公曰金水渠田源出自東山西流過榆次縣車鰲等村地勢西南高東北下因失渠道致厥水漫流歲渰兩

縣席白小王靳頁龍李青等村田今相度自車輞村東
改挑經西一渠引溉集義村穿過繇莊子屯下至武家
莊仍各因勢挑小渠則通流可三十里而高田獲灌下
田免溢一嘉平渠故道自榆次縣胡喬村迤邐而東至
徐之郛村通流殆三十五里後水漲道湮上流霸種下
流莫由挑濬蓋水利不通者三十年矣今相度舊渠壅
塞甚者約七百餘步卽此開通力少功倍一沙河渠故
道上自榆次縣圪塔村經流張花等村屯下至縣之遙
家營東西王荅等村連引小河水灌溉不窮後河徙
渠涸風沙漸壅淤塞久矣今相度離故渠二百餘步有
民間退灘薄地四畝卽此開挑當復通流公稱善嘉靖
三十五年二月十五日命率夫興作至四月初五日告

太原府志 卷十
成計金水渠通流十一村溉田一百九十九頃十二畝
嘉平渠通流十四村溉田一百十二頃六十八畝沙河
渠通流十村溉田一百十二頃八十畝

東鄉繇太原縣界接引汾水渠二道又西北開清水渠二
道

東鄉汾河渠

永濟渠溉西谷村柳灣東西羅白村地

廣濟渠溉吳家堡南北云支村地

西北清水渠

天順渠溉吳村地

清水渠溉羅家莊地

以上四渠共溉十餘村地定有水程

灌稼渠在清源鄉城外城隅下卽清源故城內之東湖支流也有鐵門以洩水溉田達於汾河

廣濟渠在清源故城東三里洪武七年割自太原姚邵村北魯家園東南引水溉田

永濟渠在清源故城東十二里自太原縣東南洛陽村界引汾水灌田

分水渠在清源故城東二里許順治十七年濬東折達汾河使不近灌溉渠故名

救荒渠順治十八年濬自清源故城西南七里舖起至水屯營南折直抵交城縣界

屠各谷在清源故城西十五里水亦時漲

交城縣

汾水渠

山鄉西北汾水繇靜樂縣龍尾頭入境河北歷蘆峪口郝家溝梭谷村會立村羽樹曲灘上村西曲村火山村至陽曲縣河口出境共袤三十一里

以上瀕河八村開渠引水溉地輪期分用

山鄉西南汾水繇靜樂縣雁門村入境河南歷鎮石底成家曲陰家溝兩泉村古交村鐵磨溝至陽曲縣張葉溝出境共袤三十四里

以上瀕河六村開渠引水溉地輪期分用

城東平下都東汾水繇徐溝之鹽村入境河北歷義望村陽渠村社家莊東汾陽至文水縣石堠村出境共袤二十六里河南歷鄭村連家寨郭家寨賈家寨至文

水縣石堞村出境共袤二十六里

以上諸村汾水經流地高河低不能引水灌溉胥無
渠道

舊志新渠萬歷二十二年知縣周璧於城北磁窰瓦窰
二河督令近河民挑濬引水灌田沾水利者二十餘頃
又於平下都辛南東二十里鄭段等都令近河民挑渠
以分水利號新渠

新渠亦宜分渾谷河汾河以渠道久湮故舊志合載
之

明萬歷二十八年知縣張嘉謨以汾河周璧所鑿渠壅
淤致廢復濬三渠甫二月而功成後亦廢

渾谷河渠

甘泉渠石堠渠二渠胥分派於渾谷河內甘泉爲上渠
經流文水縣峪口鵝鴿山巖下溉縣境在山廣步西南
十里洪安西七里安定等都村民田順流至城南迤東
一帶石堠爲下渠經流文水開柵東西溉縣境西南五
里成村平上都汾西汾東青村等都村民田順流可達
辛南舊志所謂覃澄決水利民者卽此二渠也歲久山
水時泛漲浸衝塞石堠渠惟存故道

文谷水分溉交城田元初汾陽郭帥專其利而堰之訟
者累歲莫能直交城令覃澄折以理令決水均其利於

民

此卽渾
谷河也

交城縣文谷河開三渠引溉諸村出爲利舊薄又瀕汾
河一十三村開渠按期輪溉 按縣治西北山離城二

十里許崖底村對面有地名龍門渠康熙十二年縣令趙欲鑿山開渠引渾谷水西冷水以灌城西南一帶之田功未就而內陞五十九年縣令孔毓儀仿其遺法亦未成功今渠口尙存

後漢永平中理滹沱石曰河從虎慮至羊腸倉

章懷益石曰滹

名也在今定州唐縣東北酈道元水經注云汾陽故城積粟所在謂之羊腸倉在晉陽西北石磴縈委若羊腸焉故以爲名今嵐州界羊腸阪是也欲令通漕太原吏人苦役連年無成

轉運所經三百八十九隘前後沒溺死者不可勝算建初三年拜劉訓謁者使監領其事訓考量隱括知大功難立具以上言帝從之四月己巳罷常山滹沱石曰河漕更用驢輦歲省費億萬計全活徒士數千人

交城夏營村接滹源高白鎮高白有壺平石河一道蘇

鎮經流山水時漲

文水縣

沙河渠

按土人所稱沙河卽所書文峪河也縣志沙河在縣東韓武雲州永忠等都

南灣渠在縣西北二十里文峪村引沙河水溉地三頃三十畝有奇

甘泉渠在縣北二十里開東都開柵村引沙河水溉地八頃三十畝有奇

常稔渠縣北十五里北徐村宋家莊北十里中社村樊家莊共引沙河水溉地四十二頃

以上三渠共溉地五十三頃六十畝有奇輪期用水渠甲司之一年一易

舊汾河渠

永濟渠在縣東二十五里南賢東南賢西二都河道徙久淤

烏麻渠在縣東四十里原西都河道徙久淤

里數與舊志異以河道延

表且淤塞莫辨也

永會渠在縣東南二十里青安都河道徙久淤

廣濟渠在縣東二十五里東城都河道徙久淤

按廣濟四渠土人多混而爲一

原開渠在縣東五十里原東都河道徙久淤

文水縣沙河文峪河開渠三道引溉北鄉諸村田胥有渠

長水甲

舊志常稔渠在北十五里徐北都

廣濟渠一在大城南東舊城一在大城南東十里東舊城

西舊城村一在東北十五里東賢東八里西平東十五里舊城東北二十里南城東十五里南武五都創濬於唐邑令戴謙溉田數千頃厥後屢圯屢修一在東二十五里東城都

甘泉渠在縣北二十里開東開西二都

洪橋渠在縣北十里徐南東南十五里南仁二都邑人王賢等開溉田十五頃

清水渠在縣東北五里昇泉都東北三里北榆都東南五里宜韓都

崇通渠在縣東北十里崇武都

清龍渠在縣東北二十里文武都

以上胥引文略河水

永濟渠在縣東二十五里南賢東南賢西二都

永會渠在縣東南二十里青安都

原開渠在縣東五十里原東都

烏麻渠在縣東四十里原西都

以上胥引汾河水

永賴渠天啟五年知縣米世發度地形於縣西北二十里
創開起文峪口南崖下鑿石穿澗並西山引文峪水入
城中紆折三十里固堤處多植柳後尋廢 王在臺永
賴渠碑起峪口而歷龍泉并西山以漸北郭所過峻嶺
孤峯勢若建瓴而下北郊近渠灌田得若干頃經城遠
泮環內外焉

縣志縣東有文峪沙汾三河而繇文峪以迄西境五

六十里無帶水焉此永賴一渠米令所以爲文邑計至深遠也

唐武德二年汾州刺史蕭覬引文水縣文谷水入汾州
溉田

唐志開元二年文水縣令戴謙於縣東北五十里鑿甘泉渠二十五里鑿蕩沙渠二十里鑿靈長渠千畝渠胥引文峪水傅溉田數千頃

泌水在北八里龍泉村北溉稻田十數頃東南注文峪河

猷水在東北二十里武陵村溉稻田後涸

河南廟碑盤紆之泉澆泮之流澆灌民田三十餘曠

泉也

利也

國朝雍正七年大雨青高村至尹家社汾河溢自闢引渠二道袤二十五里時以縣境青高等地河形紆曲中阻乾灘不能順流間值水漲衝激爲患議行開濬而引渠天成河流無阻瀕河居民甚賴之

雍正七年山西布政司蔣洞摺奏從前汾河形勢惟文水縣地勢低窪河身淤淺是以議開引渠二道正河一道今年六月內汾河水發河道改流文水縣自青高村至尹家社各開引渠二道舊時漫流已爲沃壤而東城村欲開之河今寬濶十餘丈或數十丈衆水會同河身長二十五里直達歸漕經年累月人力不能成功天然疏濬

明康海學記文水廟學古昔與邑建於東河之上宋

元符間邑人避水患而并遷於西山之下歷金元迄
今不易其地此亦宜備考附錄

奇嵐州

奇嵐州僻處深山多係旱地無計立渠道

舊志水池明宏治間袁政引藤於南門內斃池引河水
注其中又於西城內開大池導河水瀦之嘉靖四十年
監司王遴修故道引水入城開渠鑿池民便之

國朝康熙七年知州趙瑾復濬渠導水入城而故池已湮
塞矣

龍王堂水東郭北山下距城二里明嘉靖辛酉監司王
遴引水入城民甚利之

明兵備道署前碑四山羅列孤城遶一水汪洋萬戶通

嵐縣

嵐縣僻處深山旱地無渠道

綠水河在縣東門外

葫蘆泉在縣北十里聖母祠前 二水載在通志而縣志不言溉田至綠水河又云雨止隨涸雖泉流涓涓細微難引沿溪之地亦無資其灌漑

興縣

興縣多係旱地無渠道

舊志通惠泉在縣北關崗下古砌石丈餘三穴湧水味甘冽引入城中可溉園圃

五龍泉在城東五龍祠旁上下五泉皆清而甘可點茗
堤堰附

陽曲縣

汾河渠石壩嘉靖末年中丞李公築自把兒溝起至教場南止凡七道長一百四十五丈

土壩九道長四百五十六丈

龍泉新堤在西北一百五十里靜樂縣界宋天聖二年知太原府事陳堯佐築

柳溪堤在府城西一里宋天禧中知府陳堯佐築周圍五里四旁植柳數萬本

汾河堤熙寧初知太原府王素築

郁利村石堰在城北六十五里三覺寺東南百步元大德七年僧琮進砌橫八步縱八十餘步高四十餘尺至大元年立石

城東壩堤巡按高公檄築約三百丈有奇 楊思聖記汾

河雨驟易奔而郭東爲甚郭東南接雙鳳紫巖北接越
霄李賓盟芹渦牧馬諸水合縱於陳家峪而侵軼郭東
并壕梁嚙城垣奪市廬而遠則被於龍山陽舊設壩堤
漸圯癸巳水伺間衝突乃大厲民父老曰三十年間蓋
再見之巡按高某檄閩司毛某治堤功成約三百丈有
奇

沙堰在西七里風谷口沙河經晉陽故城東流入汾水漲

時壞城郭舊築堰障之明成化間頽壞正德七年王恭
襄瓊倡修嘉靖七年復壞復倡修二十一年復壞主簿
王儒砌石修築袤二百步有奇乾隆六年二月二十七
日奉文會城西北舊有護城土堰每年五六月間水發

大溜直抵土堰深慮衝決今酌議每年歲修價銀六百兩在於存公耗羨銀內動給陽曲縣先爲辦理於春冬水涸之際培築堤堰

太原縣

城東隍堤 唐德宗時河東節度使馬燧念晉陽王業所基宜固險以示敵乃引晉水架汾而屬之城緒爲東隍省守陴萬人又醜汾環城樹以固堤

韓絳崇聖寺碑熙寧初汾水溢寺宇有淤毀者元豐己未歲卽其舊基外築防以圍之預護水患

風谷石堰 明知府黃鄉重修記云太原邑治占古鏞之南古鏞陸今城近湫濕西當風谷或值夏溢霖諸山壑潦水會出谷口洶洶如雷鼓東下射城突門而入蕩壞

室用委北之國朝

廬正德初始築石堰障演潦俾東北流注汾河而工
草簡數年頽圯今歲三月巡丞常公道巡按穆公相
視縣篆布政司理間丁君相檄主簿景君昂董役南
長五百丈有奇高三丈五尺址之厚如高三之二巔
潤殺址五之二去城五里許去谷五百步三旬奄成

國朝

乾隆初年風峪口堰北截衝毀八十五丈

是前二壑

十七

八

兩年間南截衝毀四十五丈

是爲頭壑

至四十一年巡撫

覺

羅巴公延三飭藩司黃公檢委員勘覆於七月十九

日

興工修築堰高二丈厚五丈砌以灰石自峪口起北

抵

羅城關東至大柳樹挑澹一千六百餘丈濶五丈深

五

尺又自大柳樹東至汾河用價新置地五十八畝有

奇

接挑一千一百餘丈濶二丈深一丈十月內工竣而

太原

卷五

三

城 北等村可永免山水衝突之患矣

榆 次縣

懷仁 捍水堤在懷仁村明萬歷九年民王廷美等建東至

演 武西至王郝

西長 壽捍水堤在西長壽村萬歷二十五年民彭冕等建

後 廢

國朝 乾隆十五年重建

王郝 捍水堤在王郝村萬歷十五年民郝利等建東起郝

家 墳西至馬村堡後圯於水失其故跡

國朝 乾隆十五年里民復建起泰山廟東西接豐樂堤

演武 捍水堤在演武村明萬歷年建

國朝 乾隆十五年增修

清晏 堤在王村北接官道南乾隆十二年建

豐樂 堤在弓馬兩村地乾隆十二年民蕭良璧等建

嘉平 堤在郝村南乾隆十四年民建

雙村 堰在雙村渠南十八里高三丈五尺廣十丈

太谷縣

烏馬 河堰雍正元年縣令司馬灝文築在胡村桑子村間

奄峪 河堰

馬鳴 王峪河堰

豬峪 河堰

四卦 峪河堰 以上諸堰係知縣喬允升築蓋諸河冬春

恒 涸夏秋暴雨時至東南山水倏忽四溢濱河沃壤盡

爲 沙石自有各堰旱乾則待之水流則循其渠道注之

卽引以溉田

太谷縣水由奄谷而出者走城之東堪輿家謂金鈎之水而水勢所至爲洵伯都且有復隍之虞明萬歷間築堤障之使北注於烏馬河堪輿家說勿恤可也

祁

縣 舊志云縣諸泉滙而爲盤陀水流而爲昌源河

雖六七月大雨時行爲木石所蘊放流故道終歲未見其徙且竭焉因考諸志境內並無堤堰今亦不便擗擔姑仍其舊云

徐溝縣

護城

堤堰明萬歷元年知縣劉選創築自社稷壇起至南

壇

止以防金水河泛漲三十三年嶠峪河水漲將南關

是

堰衝塌知縣劉捷芳重修百有餘丈

國朝康熙元年二河漲發決堰壞民田直抵城根三十一年至三十九年浸塌城垣四十九年修金堤捍之五十年水又發斷道至城下乃挑築國老渠舊堰自此水勢可分而城東地獲灌溉矣

白石堰在清源故城西五里白石谷先是霖雨水輒泛濫衝突城垣洪武二十四年主簿楊克儉申准築東西長二里濶二丈五尺高一丈五尺宏治後知縣全進李景先王納謨李茂春邵蒞繼修自是爲歲例勞費滋甚

國朝順治十八年復築長二百八十丈而堰旋頽壞濶至數十丈當城之衝者尤塌毀無遺康熙十六年春山水改道而南繇西南流十五里東行入於汾秋水潰溢去城十餘里民獲紓修堰之役者四十餘年後復繇城東

北曲流入汾二十二里

交城縣

磁窰河堤在東北五里每年率夫役運石修築以防衝城
國朝丁世淳趙公築堤平路記塔莎水出磁窰河盛夏怒
湍橫流而入峪水以滙於汾勢稍平民蓄其餘以灌地
步渾水出瓦窰河繇城西北迤邐而東注於關上決必
下衝不塞不禦城田兩廢也邑侯趙公臨磁窰河曰用
水以溉田利也利之所在必有兼之者乃命丞汪公潤
斯以地多寡定水盈縮百畝爲大區十畝爲小區高下
胥達矣步渾水時泛漲浸城急築堤石堅其外柳護其
內引水南下城東西故道窪下易爲壑乃濬壕深一丈
取壕中土以築道運石爲橋使水可南北通行復夾道

植柳焉

卧虹堤元至正七年知縣程元直築以障塔莎水尋廢明
永樂十年步渾塔沙兩水泛漲衝塌城垣

國朝康熙二年磁瓦交流北門圯後知縣趙公壘石築堤
障水南流三十五年堤壞水漲城垣復圯知縣俞卿修
築水復南流四十六年又修計長八十餘丈高二丈餘
後廢乾隆十七年復建名靖瀾堤論者謂雖於城垣無
損然旱則涸民不蒙其利澇則衝民反受其害縱有小
渠數道亦非畜洩之善計也

文水縣

永賴渠堤天啟五年知縣米世發修築紆折三十里固堤
處多植樹後尋廢

岢嵐州

嵐縣 按兩邑本無大河大川僅有山澗水溝夏秋盈溢寒冬不涸故乏堤堰可記

興縣

護城堤

按縣南瀕蔚汾水夏秋水時驟漲舊有堤明嘉

靖丙辰潰知縣王完重修後復潰萬歷四十七年知縣毛栢重修由南關火神廟起緣南壕至四城外隅止砌以巨石緣堤屢舍獲安而水由南山猶時北衝東關

國朝康熙二十年水衝西關下街二十一年二十三年衝東關二十六年三十四年又衝東關三十九年又衝西關四十七年知縣欒廷芳詳興邑藉蔚汾一河以洩萬山之水其河從嵐發源至興達於黃河延袤百餘里

身舊循南山之麓去城一里有餘而今二十餘年六受
水害民房漂溺千有餘間蓋緣河從東來至城東水磨
溝村左有石硬折而南流至南山之麓復轉而西南山
之旁出一枝橫插河內里老稱此山在數十年前僅一
山嘴掛落水面不過丈餘故河流至此稍折仍依故道
西行自康熙十年河流湍急而支山曲處適當水衝狂
濤專注沙土漂縮所以現在河身較前南徙十有餘丈
而向日丈餘之支山亦遂長十餘丈夫以如矢之急湍
而遇十有餘丈之橫山迎頭砥激怒勢自張是以河身
轉而西北直抵關廂旋衝旋塌此歷來受害之始末也
今就形勢相度應將砥流支山鑿平數丈使寬河面以
殺其逆轉之勢於北岸建石堤一道以抵其北來之衝

又將舊河身挑濬深廣使歸故道以通其宣洩之路至南關對面山下原有石隘梗塞水口今宜稍加剗削俾水勢順利而北岸亦築石堤一道仍寬留河面以暢其出口之塗則河流不致橫溢城垣不虞坍塌矣遂於閏三月肇功挑濬平舊河身袤三百六十三丈三尺鑿河南岸東首頂流亂山石嘴二尖角形東袤八丈西袤六丈西首石山角一弓形袤六十丈遂築獲城堤袤四百五十九丈面濶六丈底濶八丈內東首石堤袤一百二十五丈西首石堤袤一百三十丈堤外加築小石堤袤四十丈五月工竣

火神廟側小石堤雍正八年修

草市口小石堤雍正八年修以護南關

津梁附

陽曲縣

汾河渡橋一在振武門外一在城西南通太原縣等路夏秋置船濟之冬春置土橋

鎮遠橋在北門鎮遠門外

迎澤橋在城南門外明巡撫李景元建按察使李維楨記國朝順治九年巡撫劉宏遇重修

拱極橋在北城拱極門外順治九年巡撫劉宏遇重修康熙二十年巡撫穆爾賽飭陽曲縣戴夢熊重修

承恩橋在府南城承恩門外

宜春橋在東城宜春門外順治間巡撫劉宏遇重修

迎暉橋在東城迎暉門外

振武橋在西城振武門外

阜成橋在西城振武門外

窟流橋在汾河東十里

義濟橋在東北八十里東黃水村

三交村橋在北十里

莎溝橋在北七十里成晉驛

南社村石橋在西北十里

南寨村石橋在西北二十里

蒲淤河石橋在西北三十五里蘭岡村

水西關義渡船一隻 南屯渡船一隻 右俱巡撫穆

爾賽布政使那鼐按察司庫爾康公修

太原縣

亦橋在西南七里晉水北渠上智伯引水灌城初名豫讓

橋宋太祖鑿卧龍山血出成河故更今名

舊志作卧虎山

南神橋在西南十里晉祠鎮南街晉水南渠上

北神橋在西南十里晉祠鎮北街晉水北渠上

清跨橋在南八里東莊清水河上有樓

御駕橋在縣西北二里智伯橋上世傳北齊帝避暑蒙山

建橋度故名今廢

沙河石橋在城北村南風峪沙河上三空以便由縣至省

乾隆三十二年建

石閘二在姑姑寨村西風峪沙河以防汾水倒衝乾隆三

十二年建

南屯橋 小店橋 汾河橋 姚村橋 柳林橋 吳家

橋 嘉節橋 大村橋 孫家寨橋 西蒲村橋 草

塞橋 監軍橋 洛陽橋 南張橋 高家堡橋

以上諸橋每歲夏初收折至冬初仍築

榆次縣

付貼土橋在東北四十里初建三義廟南明萬歷三十六年改建廟北地當孔道又潦水衝決易致傾圮里人因時修舉常勿替云

流村石橋在北二十里萬歷二十七年建後霖潦傾圮雍正二年重建

轟村石橋在妙智寺前建自前明康熙五十一年水決橋毀里人捐募重修

龍白村石橋在東北三十里省會通衢

青龍橋在傅村初名灞陵康熙二十六年積潦衝塌知縣劉星重修更名青龍張際昌有碑記

源渦橋亦名永濟始建不可考明正德萬歷間俱重修

國朝順治年間復修

永濟橋在慶城村南五里明宏治七年建

國朝雍正八年重修

下黃彩橋明正德五年建萬歷中重修徐守謙有記

紫坑溝橋在村東五里初建不可考

國朝康熙四年重修

雙村石橋在縣南十八里乾隆九年里人募建

信修橋在雙村北一里雍正四年建

千佛寺橋在孤神西四十里明正德七年建

大原府志 卷十 一
坑東土橋在東南五十里雍正五年築

許曲土橋在東南三十里乾隆七年築

木瓜橋在白田村西北三十里許產木瓜樹故名康熙二
十四年築

施家橋在東南五十里

長寧橋在源渦東二里

國朝順治七年修雍正十年繼修

東郝橋在東南五里

國朝乾隆十三年重修

中郝橋在東南五里

國朝雍正九年重修

西郝橋在東南五里

郭村橋在南五里明嘉靖二年建

國朝雍正元年修

修文橋在南十五里明嘉靖時建

懷仁橋在西南十五年乾隆十四年建

以上七橋皆用土木浮架至冬而建春融而撤舊志所載永康萬春張慶內白楊梁等橋今皆廢

太谷縣

永濟橋在南門外明成化年建

國朝康熙十二年知縣趙希孔重建

濟民橋在西門外明嘉靖十九年建

利涉橋在北門外明萬歷年建

通濟橋在東門外

大原府志 卷十
永定橋在胡村雍正元年建

普濟橋在桑子村雍正元年建

大橋在東南二十五里奄谷內

祁縣

韓令橋在南門外知縣韓朝貢建

團柏橋在團柏鎮北明萬歷年建

澗村橋在東南二十里

賈令橋在北十五里

東六支橋在東北十五里

上段橋在西二十里

新韓鎮橋知縣陳祖法建

徐溝縣

北關閣外木橋在北門外嶮峪水經流其下
洞渦河橋在縣北康熙三十六年修

南門石橋在南門外康熙三十九年建

米陽渡橋在清源鄉東五里

孔村橋在清源鄉汾河上

青堆橋在清源鄉汾河上

閻社橋在清源鄉汾河上

以上四橋秋冬架木爲之至夏撤云渡以舟楫

交城縣

交河橋在古交村康熙四十七年巡檢徐師曾募建

石橋在小東關門外

新橋在東關外大路上康熙四十六年建

西門橋在西城外

南河橋在南八里禿尾河上

通濟橋在東門外有碑記

廣仁橋在北門外有碑記

東郭橋在東關外接官廳前有碑記

遷安橋在縣西北此登石壁寺有碑記

文水縣

朝陽橋在東門外知縣樊從簡以石構

連城橋在南門外康熙十一年知縣傅星以石構

樂成橋在環岫門外

通濟隍橋在拱辰門外以上四橋俱用磚石

商峽橋在馬西都同知劉芳建有碑記

徐村橋在斐峪河上

大象橋在大象都

南仁橋在南仁都

潤濟橋在崇武都

通濟橋在南武都

永濟橋在南仁都

晉濟橋在韓武西都

以上八橋俱用土木歲一修撤

岢嵐州

嵐漪橋在南門外嵐漪河上

通濟橋二一在州東一在城西

嵐縣

無津梁

興縣

合河津在西北七十里唐置合河關乃西夏與宋驛道渡口也

北會渡至南會十里

南會渡至裴家川二十里

里峪口渡至巡檢司十里

巡檢司渡至羅峪口三十里

羅峪口渡至石灰口二十里

石灰口渡至大峪口四十里

大峪口渡至臨縣喻十里

舊志云縣之西境皆緣黃河上下綿亘一百五十里

共設渡口八處

利涉橋在東作門外通惠泉經流其下明嘉靖三十七年

知縣王完石砌

水門橋在北門外亦名利涉又名通惠

下石橋在北關龍王廟前五龍泉經流其下
上石橋在北關棲霞觀左棗溝水經流其下

太原府志卷十一

學校

司徒敷教肇自虞庠太原於古爲冀州畿輔首善之區
敦詩說禮歷代以來甲於他郡况我

國家久道化成今

天子訓飭士子至再至三所爲勞來匡直陶冶而成之者固
已兼四代之制而逾必世之期矣嗣今廣厲學官將使
風俗人心蒸蒸日上變寧第以校詞章之優劣云爾哉志
學校

太原府儒學

府治東宋太平興國四年徙州於城東南

隅建孔子廟景祐中并州牧李若谷首卽廟建學慶歷
初明鑄又建禮堂於殿北皇祐五年韓魏公琦知并州

闢地建學自爲記靖康末兵燬金天會九年耶律資讓
鎮太原重建今所正隆初太原尹完顏宗憲修大定丙
午亞尹張子衍漕貳楊栢元立建賢堂於兩廡間明昌
二年張大節知大原增治殿宇講堂齋室翰林趙淵爲
記是年登龍飛榜者學籍凡七人翰林應奉王澤首冠
多士而州學復一新元末圯明洪武三年重建景泰天
順間巡撫朱鑑布政陳昱叅政楊璿副使李俊繼繕嘉
靖九年詔建敬一亭植御製敬一箴宋儒視聽言動四
箴十年詔建啟聖祠天啟六年督學吳時亮重修
國朝順治十一年巡撫劉宏遇大新之孫籀記康熙十七
年巡撫土克善復修庫爾康記二十五年

御書萬世師表頒發州縣懸額廟中二十八年天下郡縣學

仍舞八佾三十三年

御製

至聖先師孔子贊四配贊頒行天下四十一年

御製訓飭志子文頒發胥鐫石明倫堂四十二年再修孫致

彌記五十一年

詔升朱子於十哲五十五年以宋范仲淹從祀雍正三年

御書生民未有頒發州縣懸額廟中釐正祀典復祀蘧瑗林
放秦冉顏何鄭康成增祀先賢收皮公都子公孫丑樂
正克萬章先儒諸葛亮尹焞黃幹陳淳魏了翁何基王
栢趙復金履祥許謙陳澧羅欽順陸隴其 凡府州縣
學皆有大成殿明倫堂尊經閣戟門泮池此定制也不
別爲目其祭獻禮儀悉依會典不具載

大風府志 卷十
崇聖祠

正殿後東北舊爲啟聖公祠雍正三年改爲

崇聖祠追封孔子五代玉爵復以張載父適從祀

文昌閣

儒學大門內

奎星樓

儒學大門內

名宦祠

戟門外左

鄉賢祠

戟門外右

射圃

廢

社學

詳見各縣

義學

大北門街雍正五年巡撫覺羅石麟改天主堂

建延師教授歲給廩餼

三立書院

新南門內侯家巷府東舊有晉陽書院後

名河汾萬歷初廢癸巳巡撫魏允貞復之改名三立祠

王道行爲記辛亥督學王三才移祠於後前建考棚自爲記崇禎間督學袁繼咸修葺

國朝順治間巡撫白如梅移建今所仍名三立書院前爲校士所康熙二十年鑄補寶賢堂帖貯碣兩廊

學政考場 舊在晉陽書院前乾隆十四年移建於學政署

貢院 迎澤門東承恩門西背城面水其地四十七畝有奇圍四百一十三步明指揮使陳彬故宅以西南角水池及空地易之正統十年建牌坊三間額曰登明選公明遠樓額曰爲國薦賢又日日監在茲瞭望樓四額曰東觀西璧斗橫宿曜供給有所吏承有房至公堂七間彌封對讀膳錄受卷各一所衡鑑堂五間藻鑑堂五

間內簾掄材堂七間五經房十二間提調監試收掌試
卷館各一區萬歷癸酉就南城壁起奎光樓登仙橋規
模壯麗甲於他省又按山西進場士子定額四千九百
六十名而貢院號舍舊祇四千九百八十二間乾隆四
十五年增構五百間

陽曲縣儒學 縣治西金大定間建明洪武二年修成化
十二年重修

國朝順治十一年巡撫劉宏遇重建康熙九年督學董朱
袞知縣宋時化增葺十九年巡撫土克善按察使庫爾
康知縣戴夢熊教授李方秦繼修庫爾康記

崇聖祠 正殿後東北

奎光樓 舊在明倫堂後康熙十九年移建儒學大門

名宦鄉賢二祠 統於府學

射圃 敬一亭西今爲水池

學田 西村明萬歷間督學周繼昌清官田入學後廢
社學 廢

義學 六所

太原縣儒學 縣治東北舊在故平晉城內明洪武六年

知縣潘原英始徙今所規制畧具十六年知縣皇甫伯

璫克緒成之正統天順間知縣劉敏張葵繼繕宏治十

七年知縣劉經重修堂齋正德七年教諭張琦等捐金

三百餘兩御史王秀檄經歷康安督修少保王瓊記嘉

靖初學使周宣拓馬道三間萬歷十四年知縣向化同

邑人高一麟修建大成殿兩廡啟聖鄉賢名宦諸祠四

十五年御史王遠宜知縣張起鶚增修天祿五年知縣
屈鍾岳再修石鼎記

國朝乾隆十三年冬西廡災知縣梁卿雲重修三十八年
知縣周寬吳重光捐俸又修尊經閣敬一亭及崇聖名
宦鄉賢等祠

崇聖祠 正殿東

名宦祠 儒學側

鄉賢祠 儒學側

忠義孝弟祠 雍正七年知縣龔新建

射圃 儒學後

學田 知縣段尚義置高汝行記乾隆八年閻實女闈

氏輸田十一畝

晉溪書院 縣西南十里晉祠鐘明少保王瓊建

榆次縣儒學

縣治西宋咸平二年知縣龔文肇建金大

定間知縣楊伯元樹戟門崇廟制元至大三年知縣任
德中至順二年知縣侯洪先後增置石匾記明洪武三
年知縣林昇宣德中知縣曹顯成化間知縣宋信宏治
初知縣梁琮繼修九年教諭宇文鍾謀增新白撫按乃
屬叅議繆昌檄知縣崔岑與鄉宦任義孫昌共擘畫之
嘉靖二十五年知縣俞鸞再修萬歷二十五年知縣張
鶴騰更修規制益備吳鴻功記三十二年知縣史記事
拓基建坊增葺堂齋周繼昌記崇禎三年知縣張任學
復修李成名記

國朝順治十四年知縣熊光裕康熙十二年知縣金世珍

二十二年知縣劉星荆振日繼葺邑人桑日知有文刻
石乾隆元年知縣王有德七年知縣錢標繼修十五年
知縣錢之青復修邑人王系勒石爲記

崇聖祠 敬一亭北

文昌閣 儒學西南隅

魁星樓 學宮內知縣金世珍建

名宦祠 戟門左

鄉賢祠 戟門右

射圃 儒學西北

社學 北門街西順治七年知縣楊三知建置膳地五

十畝褚應于記

小學 縣治西學宮前明萬歷間知縣劉似鰲建兵科

給事張國儒記後人署其門曰劉公祠

國朝康熙二十二年知縣劉星分置社學田二十五畝

源池書院

縣東八里源渦村元徵士趙彬建左丞呂

思誠記歲久榛莽明嘉靖三年舉人寇天瑞闢址重建

先聖殿翼以兩廡後爲講舍

國朝乾隆十三年知縣錢之青捐修

涂川書院

縣治西明知縣梁琮改建嘉靖末廢

魏榆書院

縣治北街東康熙二十二年知縣劉星倡

建自爲記置田四十畝爲諸生膏火資

兩賢祠義學

縣治東兩賢祠內乾隆十三年知縣錢

之青建

鳴謙鎮義學

康熙中知縣王奕宣建

東郝村義學 乾隆十一年知縣徐玉田建

什貼鎮義學 乾隆十三年知縣錢之青捐建

聶村義學 乾隆十三年里人公建

張村義學 乾隆十三年監生智昌捐建

永康鎮義學 乾隆十三年監生王光捐建

東陽鎮義學 明萬歷二十四年鄉民安國夫孟松等

捐地請立知縣徐守謙建

太谷縣儒學 縣治東南宋崇寧三年縣尉李琰建元至

元癸未縣尹趙敦武大德辛丑監縣程進義縣尹馮敦

武繼修癸卯地震圯丙午監縣忽都魯沙進義縣尹陳

嘉祐重修時命昭文館大學士李溥光書大成殿額呼

迺伯魁認明洪武三年更建二十一年生簿蔡仁天

三年叅政楊璿成化五年知縣顏敏十九年知縣張鑑
繼葺嘉靖二年知縣劉奎耀拓制重新之督學周宣記
萬歷間知縣夏惟勤喬允升繼修褚鈇記

國朝順治四年知縣羅雲達教諭賈道醇重修康熙七年
知縣王樂諫訓導賀應熊重修陳廷敬記三十七年知
縣包秉奎重修王之鼎記乾隆五年知縣王澤沛又修
崇聖祠 正殿東

名宦祠 戟門外左

鄉賢祠 戟門外右

射圃 崇聖祠後

學田 南門外水地三十畝明知縣牛維曜捐俸置又
大白都烏馬河灘退地二頃九十七畝零明知縣李退

置

社學 學門南明萬歷間知縣劉奎耀建

鳳山書院 明嘉靖九年布政司叅政於縣西門內買
僧寺建久廢

國朝乾隆二十年知縣呂崇謚因察院廢址建仍顏舊名
二十六年知縣高繼允捐置膏火

祁縣儒學 縣治西南舊在城南街東巷金大定中知縣
傅弼建明洪武三年縣丞張宏重建十六年知縣楊仲
居王允相繼葺嘉靖二年巡撫王秀檄知縣楊本源因
浮圖廢址徙建督學周宣記萬歷九年知縣張應舉重
修二十五年知縣韓朝貢三十一年知縣趙德復加繕
治規制始備崇禎十四年知縣崔錫允修

朝順治六年知縣郭霽重修戟運昌記康熙四十四年
知縣朱瑄五十七年知縣姚馥增修雍正七年知縣羅
著藻重修乾隆九年知縣朱濶於櫺星門內開泮池一
門外鑿井二三十三年知縣汪濤加修建講堂三間

崇聖祠 正殿後東北

名宦祠 戟門外左

鄉賢祠 戟門外右

學田 共水地四十一畝零又二十六頃一十六畝零
又四畝在三合村雍正時知縣羅著藻捐置昭餘書院
康熙十二年知縣陳祖法因射圃舊基改建自記後廳
爲祁大夫祠

徐溝縣儒學 縣治西金大定中建明洪武三年知縣韓

文寶修十六年羅本初修永樂七年圯宣德元年知縣
汪洋重修天順成化間知縣吳亮楊翱正德嘉靖間知
縣張鑑李選繼修嘉靖十五年知縣王懷禮二十七年
知縣邵崔年三十八年知縣閻司衡拓制增修胡天爵
記萬歷間知縣蘇禾楊國正王敷學再修歲久圯

國朝康熙壬子知縣趙良璧重修宏敞逾昔自爲記二十
九年知縣陸史增修三十六年知縣陳大年四十一年
教諭衛中瑛四十四年教諭王蓋臣四十八年知縣孔
興誥四十九年知縣王嘉謨先後捐俸增修乾隆二十
五年教諭梁減勸捐重修

崇聖祠 正殿東

名宦祠 戟門外左

鄉賢祠 戟門外右

學田 一頃二十畝零

清源鄉儒學 縣治西南舊爲縣儒學金太和三年知縣張德元建元知縣彭殷輔修明洪武間縣丞吳文煥知縣馬大方繼修主簿黃福重修天順二年叅政楊璿檄知縣張玘新之祝顥記宏治間知縣全進嘉靖間知縣盧賓彥萬歷間知縣舒有翼先後繕葺崇禎十六年知縣鄭經復修

國朝順治十七年重修乾隆二十九年并入徐溝縣仍置清源鄉儒學設訓導

崇聖祠 學門北

名宦祠 戟門外左

鄉賢祠 戟門外右

射圃 廢

社學 六所

交城縣儒學 縣治東元大德壬寅建延祐丙辰修至正
乙酉縣尹程元直重修教諭賈權記明洪武間知縣王
允恭任道遠繼修天順二年叅政楊璿檄知縣蘇鐸增
修嘉靖十八年知縣高自明二十七年知縣鄭鎬重新
萬歷四年知縣齊一經復加修葺方伯胡體乾通政司
李勲胥有記二十年周璧再修崇禎丙子署縣事王凝
命拓基樹坊桂一章記

國朝順治十八年知縣王如辰重建督學史允琦記康熙
九年知縣趙 四十年知縣俞鄉繼修四十七年知

縣洪璟捐修乾隆二十二年知縣何大成捐修

崇聖祠 殿西

文昌祠 明倫堂東

名宦祠 戟門外左

鄉賢祠 戟門外右

學田 二十畝零

義學 二所

盧川書院 南街路東康熙十一年知縣趙建

通濟書院 通濟橋

一隅書院 城西南

卦山書院 卦山天寧寺東卧龍岡康熙四十七年建

學使鄒士聰記

文水縣儒學

縣治東宋元符間知縣薛昌建金天德三

年知縣呂孝揚劉元傑修元至正十四年知縣許繼誠
修郝忠恕記明洪武二年縣丞賈惟銘四年知縣楊仲
安二十四年知縣張羽正統十一年知縣董茂繼葺宏
治間知縣劉偉重新之張頤康海胥有記嘉靖間知縣
薛煊樊從簡萬歷間知縣郭宗賢馬斯和賈守正繼修
國朝順治十二年知縣王承裘重修康熙二十八年知縣
范時著復修胡應麟記乾隆二十六年知縣顧學海重
修

崇聖祠

學門左康熙四十三年訓導陳青雲重修

文昌閣

學宮東

奎星樓

學宮南明崇禎間知縣胡宜建

名宦祠 戟門外左

鄉賢祠 戟門外右

書院 學宮西乾隆二十七年知縣顧學海建

成德達材二坊 學宮前乾隆四十二年知縣婁文鑒
重建

社學 四所

學田 八十四畝

崇嵐州儒學 州治西南明洪武初知州施文學創建未
竣知州李觀落成成化二年知州陳鑑重修歲久圯嘉
靖辛酉副使王遴新之周斯盛記

國朝知州遲焯趙瑾繼修康熙十一年知州何顯祖又新
之乾隆四年知州閻士綺重修

崇聖祠 正殿東康熙十一年知州何顯祖重修

名宦祠 泮池東

鄉賢祠 泮池西

射圃 西關有觀德亭後廢

學田 明萬歷四十二年太原府同知吳登仁置柳林

灣地一百一垧半東關都民李福郭登英耿文明王一

才劉鳴鳳輪三井地四十二垧

國朝康熙十一年知府周令樹申請歸學又射圃亭廢地

五垧零東關弔橋地一垧半東北城壕地四垧以上共

地一百四十九垧

嵐縣儒學 縣治東南宋元豐中剏建元大德己亥知

郝承謀新之未竟乙巳同知史好禮落成奉御王

記元末兵燬明洪武四年縣丞高九萬更建自爲記天
順四年叅政楊璿知縣王準修成化二年知縣孫緝教
諭張鐸增葺宏治間知縣胡泰王宏嘉靖間知縣張淮
張崇德繼修萬歷四十二年知縣井東星復修

國朝雍正七年訓導常大昇重修乾隆四十三年知縣張
灝重修建桂林坊東西齋房十間

崇聖祠 正殿側

文昌閣 儒學內

魁星樓 儒學內

名宦祠 學宮內

鄉賢祠 學宮內

忠義孝弟祠 雍正五年建

學田 舊制百有餘畝歲久湮廢康熙間尙嵐牧甘文
煜攝縣事考碑記清復八十三畝

社學 三所今存一在北街

興縣儒學 縣東北元至元間徙城北山上燬於兵明洪
武十一年知縣曾以禮重建宣德二年增修宏治十三
年知縣馬圖復徙舊址右賈詠記嘉靖三十七年知縣
王達重修張珩記天啟元年邑人尹就湯增修

國朝康熙十年邑人尹述堯葺三十六年知縣金應杰修
四十八年知縣纘廷芳重修五十八年教諭郝攀龍修
孫鴻淦記雍正四年知縣楊智勝重修

崇聖祠 正殿後

名宦祠 戟門外左

鄉賢祠 戟門外右

孝義祠 正殿後稍東新建

社學 縣治東

太原府志卷十二

公署

司牧者皆奉

天子命以治此萬民者也公署爲敷政出治之所居斯位者民生未遂思何以養之民害未除思何以革之豈僅高其閭閻以華靡爲燕息地哉太原爲省會首郡臺司公署棊布星羅理宜備載先上游而後及府與縣者尊卑之序不可踰亦以見政治之原操自上耳志公署

巡撫部院

署在太原府治東鼓樓北明宣德三年設署前照壁一座左右轅門東撫綏全晉坊西提督三關坊中保釐重任坊文官廳在左武職廳在右大門三門西隅有關帝

廟鄴侯祠東西書吏房大堂五間上懸

國朝康熙十六年

聖祖仁皇帝御書清慎勤匾額三十五年

聖祖仁皇帝御書激濁揚清匾額

賜前巡撫倭倫四十九年

聖祖仁皇帝御書保釐重任匾額正己風羣吏精心理庶民

對聯

賜前巡撫蘇克濟雍正元年

世宗憲皇帝御書澤潤蒸黎匾額

賜前巡撫諾岷又懸雍正八年

上諭恤刑一道前巡撫覺羅石麟敬刊大堂後爲川堂上懸

雍正五年

世宗憲皇帝御書福字匾

賜前巡撫德明川堂後爲二堂上懸康熙五十二年

聖祖仁皇帝御書宏粹經遠匾額撫安千里路宣布九霄恩

對聯

賜前巡撫蘇克濟二堂後爲內署署北建

御書樓

聖祖仁皇帝御書匾額對聯詩賦鐫石貯其上樓下東西各

建牌坊東北隅建顯臨閣順治庚子巡撫白如梅建按

察使錢受祺有銘記

提督學政

署在太原府治南卽舊臬司署改建雍正七年坍塌八年學使朱曙蓀重修大堂上懸雍正二年

世宗憲皇帝御書玉堂清夢匾額

賜前學使劉於義

布政使司

署在太原府治東舊爲元行中書省署明洪武初改建
宏治十五年左右布政使陳清叅政潘祺修未竣右布政
使吳文度叅政曹鳳繼成戶部尙書周經記署南爲方
岳坊左右爲承流宣化坊東隅有關聖廟提學李維楨
記儀門內有屏翰坊大堂上懸

國朝康熙四十三年

聖祖仁皇帝御書匾二一曰龍飛一曰風雲思

賜前布政使朝琦雍正三年

賜前布政使高成齡福字圓匾大堂前軒懸雍正八年

上諭恤刑一道前布政使蔣洞敬刊二堂西有書齋三堂上懸

世宗憲皇帝聖訓求諸已問之天六字雍正六年前布政使

蔣洞敬刊

經歷司在大堂東隅

理問所在儀門外東隅

裁

照磨所在儀門外西隅

豐贍庫大使在大堂西隅

新移東隅

豐贍庫副使在大堂東隅

裁

軍需庫在大堂東隅

歷日庫

黃冊庫

大原府志
卷十二
鑄錢局

按察使司

署舊在太原府治西南卽今學院署今署移府治東南
明景泰四年建初爲察院署後爲總督署又爲總兵署
國朝康熙二十五年按察使布雅努移駐四十年按察使
巴哈布重脩署前有西臺總憲坊左右有慎憲省成明
刑弼教二坊西偏爲官廳大門內西有關帝廟儀門大
堂中懸康熙三十五年

聖祖仁皇帝御書澄清郡邑匾額

賜前按察使巴錫四十二年

聖祖仁皇帝御書清慎勤匾額

賜前按察使覺羅巴哈布雍正五年

世宗憲皇帝御書福字圓匾

賜前按察使蔣洞雍正八年

上諭恤刑一道前按察使宋筠敬刊堂東有箭亭顏曰觀德
西有書屋顏曰漱芳前按察使岳岱建二堂中懸

聖祖仁皇帝御書冰鑑二字匾額

賜前按察使巴錫又懸

世宗憲皇帝御書福字圓匾

賜前按察使宋筠

經歷司在大門外右偏

知事廳在學院署東北

照磨所

裁

司獄司在本司署東南

新設

冀寧道

署在布政司治東後裁槽爲糧儲道署明萬歷十年叅政杜友蘭移建前截槽爲分守冀寧道署萬歷四十二年叅議王孟震移建自爲記

國朝順治間糧儲道署裁前後通爲冀寧道署雍正八年叅議孟孫繩捐貲重修署前左右有兩河成賦三晉周行二坊中有霖雨冀方坊大堂上懸

聖祖仁皇帝御書彰有德三字匾額

賜前道高啟桂大堂西間有道庫貯驛站錢糧

太原府

署在陽曲縣東明洪武五年知府胡繼建葉砥記嘉靖四十年知府于惟一萬歷三十七年知府關廷訪重修

國朝順治七年知府曹時舉九年知府邊大授拓脩大門
外爲保障遺封坊次爲師帥坊大堂顏曰拊循左右六
曹如制二堂顏曰退思三堂顏曰自省又後爲自公臺
寶賢法帖石刻貯其下雍正八年知府劉崇元修

清軍廳

署在府堂右

管糧理事廳

署在府堂右

經歷司在府堂左

照磨所

裁

知事

裁

檢校

裁

大原府志 卷十二
五
司獄司在府儀門外西

稅課司在南關裁

大盈倉大使在府治東

織造局在布政司西廢

陰陽學

醫學俱在府治南

僧綱司在崇善寺

道紀司在城隍廟

陽曲縣

署在太原府治西宋初徙州治於唐明鎮移縣治於西郭外金天會中移置郭下元因之明初省錄事司仍置陽曲縣卽今治嘉靖二十八年堂燬知縣李珮重修

縣丞在堂西

典史在縣丞西

天門關巡檢在縣北六十里

裁

石嶺關巡檢在縣北一百里

官廳三一在南關外一在北關堡內一在狄村

太原縣

署在城中十字街東宋太平興國四年太原平廢晉陽縣置平晉縣於故城東明洪武四年移縣治於汾河西故唐城基之南八年改爲太原縣卽今治知縣潘原英建成化七年知縣任亨宏治十四年知縣李曠增修國朝乾隆八年知縣徐玉田繼修

縣丞在幕廳後

裁

主簿在官庫西北 裁

典史在東三房後

行署

察院在東街北明洪武十八年知縣皇甫瑄建

布政分司在東街北明景泰元年知縣劉敏建

按察分司在北街東舊為府亭嘉靖二十八年僉事朱政

建

榆次縣

署在城中央宋改并州治於此今治乃明洪武三年知

縣林昇建宣德五年知縣曹顯修成化間知縣梁琮正

德間知縣蘇民鄭德崇重修後六曹屢燬於火知縣尹

綸宙兩相繼重修其譙樓曰思鳳有序及詩歲久圮嘉

靖二十五年知縣俞鸞重修贊善閭璞記樓相傳文潞公署令時所築也

國朝康熙三十四年知縣荆振日乾隆四年知縣劉濤相繼修葺

縣丞在堂東裁今爲永益庫

主簿在堂西裁

典史舊在思鳳樓東今縣署儀門外

行署

察院在縣治東今毀康熙二十七年知縣劉星以其地建

兩賢祠

布政分司在察院東今毀

按察分司在布政分司東乾隆十二年卽其址建義倉

太谷縣

署在城十字街北後周建德四年自陽邑城徙此元大德三年知縣馬仲信再建明洪武三年知縣鄭養吾正德十年知縣陳繼昌萬歷二十四年知縣喬允昇增修國朝順治十二年知縣郝應第康熙五十六年知縣孔興誥雍正十二年知縣王澤沛俱重修

縣丞在贊政廳東

裁

主簿在架閣庫西

裁

典史在正堂東

行署

察院在縣治東明洪武四年主簿劉中建

國朝乾隆二十一年知縣呂崇諡卽其址建鳳山書院

布政分司在縣治西

廢

按察分司在府館左

廢

府館在布按分司之中

廢

祁縣

署在城西街明洪武三年縣丞邱昱建知縣王印張上
達劉銳車錦魏域修萬歷間知縣張應舉韓朝貢增修
國朝康熙十二年知縣陳祖法二十八年知縣王益聰重
修

縣丞在庫東

裁

主簿在堂西

裁

典史在堂左

龍舟谷巡檢在北關鎮

廢

太原府志 卷十二
行署

察院在縣西街明洪武年創縣令魏域重繕今改爲社倉
布政分司在城東街洪武年建今改爲城守營署

按察分司在城南街萬歷三十一年縣令趙德建廢

府署在察院巷西今爲節孝祠

公館三一在西關一在盤陀驛西一在來遠鎮

徐溝縣

署在城西北隅金大定中建明洪武三年知縣韓文寶
修知縣李維新繼修嘉靖十五年知縣王懷禮萬歷間
知縣王三錫江一龍柳捷芳

國朝順治十五年知縣高直康熙三十九年知縣簡能相
繼修葺

典史在正堂東南

清源巡檢在清源鄉

行署

察院在縣治西明縣令韓文寶王懷禮吳朝儒修

布政分司在察院西明縣令王懷禮王敷學修廢

按察分司在縣治西明縣令王懷禮邵霍年王敷學修廢

府館在儒學街先爲醫學基址嘉靖年縣令王懷禮改爲

書院萬歷年知縣楊國楨改府館公署

交城縣

署在城西北隅隋開皇中析置交城縣其地東北當汾

孔交流之際是爲古交城唐天授初移今治明洪武三

年重建後典史邵琮知縣吳騰龍韓廷用相繼葺治

國朝康熙七年知縣趙吉士恢拓舊制四十一年知縣俞
卿四十二年知縣張丙厚四十六年知縣洪璟相繼重
修

縣丞在堂左裁

主簿在堂右裁

典史在堂西

故交巡檢司在故交村

行署

察院在縣治東廢

布政分司在察院東廢

按察分司在布政分司東廢

文水縣

署在城西街宋元符間因水患徙置南彰泚村高阜處
卽今治知縣薛昌明建明知縣楊冲安張羽高安劉偉
李潮樊從簡馬斯和白澤重修

國朝康熙九年知縣傅星四十四年知縣盛世廉復修乾
隆二十六年知縣顧學海於內署加建數楹

典史卽舊主簿宅

縣丞在堂東

裁

主簿

裁

行署

察院在城東街

廢

布政分司在城南街

廢

按察分司在城隍廟街

廢

岢嵐州

署在城中央明初設岢嵐縣九年析置州治知州施文

學建

國朝康熙七年知州趙瑾增修

州判廳在堂東

裁

吏目在堂西

儒治在州治東

廢

遞運所在州治西

廢

行署

察院在州治東知州施文學建有來雨亭廳左有古松一

株

岢嵐道署在居仁坊東明嘉清十八年兵備道張偉建後

移駐偏關爲按部公所廢

嵐縣

署卽古嵐州衙舍堂壁有宋元詩金大定二年重建明
洪武二十一年知縣陳圭正統間知縣郝鳳重修萬歷
十四年知縣談應春增修

典史在堂東南

鹿經嶺巡檢裁

行署

察院在北門內

布政分司在縣治北

按察分司在縣治北

府館在縣治西南俱廢

興縣

署在城西北隅明洪武三年知縣尹暹建萬歷四十八年知縣毛柏修

國朝順治四年知縣李昌汴七年知縣李華春增修

典史在正堂西

行署

察院

廢

布政分司在縣治東

廢

按察分司在縣治東卽察院故址

廢